

上不憚然曰則相朕毋逾先生也曰臣自知疾惡太甚又不耐劇徒負 陛下耳

許重熙曰楊憲卜相時胡惟庸尚為太常少卿也基從李文忠在塞外安得分身在朝乎

高岱曰 聖祖以武功定天下而崇尚文學如飢渴之于飲食每得儒臣皆待以腹心帷幄朝夕咨訪不倦但一時將略足備勘定而文儒相業猶不甚稱至使不得已而委政廣洋惟庸輩是豈真所欲也故于陶安之卒甚加悼惜晚年亟稱桂彥良之賢而不及用惜哉

八月己未大都督府同知康茂才卒于陝西茂才斲人通經史元李糾鄉兵拒盜累功授宣慰司都元帥鎮采石連敗已降我從征漢吳中原俱有功遣鎮河中民立石頌其德贈行省平章政事追封斲國公謚武襄賜祭葬


置信寶提舉司

庚申定官民房舍車器衣服之制

遣通政司舍人鞏哥鎖南等招諭吐蕃

濟寧盜侯世雄作亂掠滕嶧間官軍討平之

辛酉臨潼湯溪湯陰雨雹



遣呂宗俊等諭暹羅國

占城高麗二國來貢

癸亥應天大雨水

丙寅置朔州衛

故元高昌王和尚岐王桑哥朶兒只班來降

戊辰改應天知府曰府尹正三品銀印府丞一治中一通判二襄

陽蘭以權為府尹

甲戌夜有大星自天津北流天鈞

丙子廣西行省叅政蔡仙為靖江王相仍兼叅政提督廣西

衛指揮使

丁丑永州衛指揮同知丁玉為廣西行省叅政兼廣西衛指

揮使

定諸王府教授滿一年

禮部尚書陶凱言日膳舉樂上以將士北征暴露不許

戊寅遣使趙述諭三佛齊國御史張敬之諭渤泥國郭真諭

真臘國


己卯夕月于西郊

庚辰海南盜陳思仁等陷陵水等縣捕斬之

國權

洪武

三言



癸未定太廟祭四孟月歲除九五其清明端午中元冬至各時享

定親王從祀功臣配享禮文武樂歌

上諭中書省臣曰中原爭鬥白骨在野其遣人徧歷水陸牧瘞之

九月丙戌朔 皇從嫂蒙城王夫人田氏薨有節行 上重之

戊子京師城隍廟成

免屯軍稅租

免陝西民鹽米先每畝糧一斗鹽六斤

丙申熒惑入太微

青州孫古朴作亂襲莒州殺同知烏程牟魯

庚子置王府奉承司

諭禮部別祭周天星辰

太子賓客梁貞歸里

諭學士魏觀太廟祝文止稱孝子皇帝不稱臣太子行禮止


稱命長子不稱皇太子

授降將汪文清楊思祖等官招其部曲

招諭遼陽等處軍民

國權 洪武

三頁



西洋諸國來貢

平沂州茶山盜

定會朝宴享樂舞之數

大明集禮成五十卷初中書省開禮樂二局徵耆儒禮送京

師纂修凡吉凶軍賓嘉及冠服車服儀仗鹵簿字學樂律為

綱九儀度名數沿革咸具書上儒士曾魯徐一夔周子諒董

懿尋授官梁寅等六人乞歸

十月丙辰朔監察御史袁凱言保全功臣之道從之命臺省延

聘儒士番直午門與諸將講說經文

丁巳日中食黑

賜文武官冬衣

上朝退見二內使靴而行雨中杖責之曰皆民力也暴殄若

是曰令朝臣值雪衣雨衣


辛酉高麗來賀壽節踰期禮其使遣之

徐達李文忠班師

嚴從簡曰李文忠之入燕也仁恩著于市肆之不易威聲

播于擴廓之窮奔付友德以西巡寄輿祖以留後其制置

可謂周矣若夫開平之于上都岐陽之于應昌也捷奏朝



馳隼旟夕返留兵置將俱所未聞卒之燕京磐石而二地

淪夷則識者不能無憾焉

報福建地震

壬戌重定內使服飾之制

癸亥湖廣行省左丞周德興為鎮南將軍討慈利縣土酋覃

垕、前走溪峒尋出掠及兵至復遁

庚午給南郊執事者新衣

癸酉有大星自雲中流入游氣中没

丁丑定品官墓制

庚辰有大星自天桴東南流壘壁至羽林軍而散有聲小陣

星三五隨之至太倉没

辛巳釋元平章徹里帖木兒北歸致元嗣主愛猷識里達臘

書曰擴廓帖木兒敗狀進退之宜其審之矣又書曰君先


君奄棄沙漠深可悼閔適元史成三十餘年之主不可無謚

用謚君先君曰順著本紀君之子買的里八剌封崇禮侯歲

給祿及其來者與同居無恙但不知君近况何如前事之失

茲不必較果上順天道遣使通問庶安心牧養奉其宗祀若

欲殘兵出沒為邊氓患則大舉六師又非往日比毋致後悔



殿中侍御史武昌蔡哲以所舉御史犯法被劾嚴尋卒上
惜之予葬


黃金曰元季之亂睥睨當世孰不欲依託得主如陳友諒
兵強國富亦可以攬結士心然從之者往、掉臂而去若
羅復仁蔡思賢一編脩一御史然聞 聖祖弔伐之義即
來歸雖彼殊遇不足以羈其跡美官不足以繫其心由是
建功立業卒成美名向使溺于所從而不知變則堂、之
軀適足以膏彭蠡之戰鋒否則亦鄂州之降、耳安能善
其後耶馬援有言非但君擇臣、亦擇君其見固如是哉

乙酉作太廟主贊

十一月壬辰征、大將軍右丞相信國公徐達左副將軍浙江
行省平章李文忠班師還京 上出勞于江上明日達率諸
將上平沙漠表群臣皆賀又明日告郊廟


甲子開封知府宋冕為戶部尚書

丙申大封諸功臣 上御奉天殿諭曰朕論功行賞若倣古
帝王等之二年以征討未暇故至今日今爵賞次第皆朕臣
定若御史大夫湯和朕里閑結髮相從功屢最然嗜酒妄殺
不由法度趙庸從李文忠取應昌功不細而私其奴婢廢國




法廖永忠戰鄱陽奮勇忘身朕親見之奇男子也使所善儒
生窺朕意徼封爵僉都督郭子興不奉主將命不守紀律雖
勞不足準四人封為侯平章李文忠總兵應昌遂前元太子
獲其皇孫妃嬪重寶悉歸功最大御史大夫鄧愈幼相從任
使屢挫抑無怨二人宜列公左丞相李善長雖無汗馬勞事
朕久給軍不乏右丞相徐達朕同里從征自起兵時功最高
二人已公宜進封大國餘悉據功定封如不酬稱廷論之母
後言皆頓首悅服遂班爵行爵封公六人李善長太師韓國
公祿四千石勲號開國輔運推誠守正文臣徐達魏國公祿

五千石勲號開國輔運推誠宣力武臣故常遇春子茂鄭國
公祿三千石勲號翊運推誠宣德靖遠功臣浙江行省平章
李文忠左都督曹國公祿三千石右都督兼太子右詹事馮
勝宋國公御史大夫兼太子諭德鄧愈衛國公俱祿三千石
世襲封侯二十八人御史大夫兼太子諭德湯和中山侯同
知大都督府事唐勝宗延安侯陸仲亨吉安侯湖廣行省左
丞周德興江夏侯燕府左相兼北平行省叅政華雲龍淮安
侯大都督府副使兼太子右丞顧時濟寧侯秦府左相兼陝
西行省右丞耿炳文長興侯大都督府僉事陳德臨江侯郭



子興鞏昌侯並祿千五百石平陽衛指揮使王志六安侯朔
州衛指揮副使鄭遇春滎陽侯並祿九百石大都督府同知
都督僉事費聚平涼侯吳良江陰侯吳府右相兼大都督府
僉事吳禎靖海侯中書右丞兼太子副詹事趙庸南雄侯中
書省平章兼同知詹事院廖永忠德慶侯江淮行省平書俞
通源南安侯並祿千五百石湖廣行省平章華高廣德侯祿
六百石楊璟滎陽侯康茂才子鐸蘄春侯浙江行省叅政朱
亮祖永嘉侯江淮行省叅政傅友德潁川侯中書省平章兼
同知詹事院胡美豫章侯山東行省平章韓政東平侯並祿
千五百石江西行省叅政黃彬宜春侯山西行省平章曹良
臣宣寧侯浙江行省右丞梅思祖汝南侯山東行省叅政陸
聚河南侯並祿九百石世襲賜誥券其勲號皆開國輔運推
誠宣力武臣仍賜綺帛李善長徐達各百匹常茂馮勝八十
匹李文忠鄧愈六十匹湯和唐勝宗陸仲亨周德興顧時耿
炳文費聚四十匹華雲龍陳德郭子興王志鄭遇春吳良吳
禎三十匹趙庸廖永忠俞通源都督僉事金朝興平章李思
齊叅政戴德曹興才二十四匹華高楊璋二十二匹康鐸朱
亮祖傅友德胡美韓政曹良臣曹彬祖梅思祖陸聚汪興祖




各二十匹平章李伯昇十六匹西征指揮二十四匹千戶衛
鎮撫二十匹百戶所鎮撫十六匹征定西興元應昌指揮二
十匹千戶衛鎮撫十六匹百戶所鎮撫十二匹守禦指揮各
十六匹千戶衛鎮撫十二匹百戶所鎮撫八匹內軍各十金
錢六千

賞陝西蘭州等守禦將士綺帛有差

丁酉詔曰朕本農夫托身縹緲遇時多艱入于行伍觀群雄
之無律遂率衆渡江東征西討凡二十年荷天地祖宗之靈
山川百神之助遂致強殲弱服華夷一統其何以答諸將六
軍委身暴露之艱薄取輕收非古人中正道厚斂以重賞則
損于民是用倉庫錢糧均其等第以謝軍士宗爵祿頒金幣
以勞功臣昭告中外咸使聞知


王世貞曰讀洪武三年之功令未嘗不三復而歎也曰嗚
呼厚而裁則可久矣當是時封公者六人而魏公功最大
祿秩亦最重中山侯宿將也以一言之諄而不獲公德慶
侯鉅勲也以一事之訛而不獲公永城封而敗東勝封而
奪訓詞蓋凜乎斧鉞焉夫孰敢有恣睢而殞于法者然至
吉安江夏臨川東平之類抑何其殲夷狼籍也三年而後



續侯者獨西番之役最盛平雲南次之其他以舊勲相錯封然至藍氏之誅累而凡若掃矣夫以馮宋公傳穎公之雄而卒不免死嫌謂其不蔽法也而諱之即諱之猶不為置後嗚呼可嘆也

陳子龍曰 高皇帝無尺寸之資諸將皆起徒步莫不并志一力艱難盡瘁或繫身肺腑之間或生長子姓之列不獨資以推敵蓋將託之機務豈有侯王之號招揀以就權宜馳驅之勢搖足而分強弱哉是以鱗翼一奮帶礪成文景風再頌貂蟬滿座比之于古斯為盛焉獨于天下已定

諸徹侯解釋殷繁優游朝請胡藍株累醢廢綿聯至今二百餘年之間非有大變革也佐命之臣搖落將盡嗚呼事遠情易實去名危意恃乎曩勲道遠于來主揆之往昔輒此之由 昭代諸侯惟長興見嫌于靖難李吳坐法于新朝餘者皆手自誅夷及身絕繼此何故也夫胡相險倂几震乘輿涼國執悖謀危社稷嬰童知其必敗婦女為之寒心諸宿將英姿銷歇沒齒為期又復何求白頭從逆且建勲方面豈不深幾叅謀幃幄何其易昧慶卿劍成能使武陽裂土蒯通利口欲令蕭曹鼎足苟非大愚智為妖罔至




于苑給東園後亂不立生逃西市追論更嚴將無急銷鋒
之心略帷蓋之義耶不曰猜情當為睿美矣豈以太孫
文懦諸藩盛強快非少主之臣洵成負嵎之勢乎假
令齊兵西指絳侯不知蜀寇東躡越公小挫外稱義師內
將挾主必至勢分列國權歸舊朝難為全矣故忍斷臂之
痛為當戶之鉏在彼在此吾無憂也或云高帝春秋高
諸王咸有非常之望故廣布流言傾危宿碩理或有之非
所敢論獨以承平清宴多歷歲年則開物定基功非眇細
雖十世其可宥觀九原以誰歸撫陵園而思股肱臨山河

而憑邱氓取賈昔勲徒庇雲臺之上房杜後人無復夏畦
之祭而豎儒俗吏于國家無毫髮之功折枝之辨而坐擁
高位或世其家者纍纍也可勝道哉

設遷曰廖永忠宜封公嘗使人偵上意故侯之夫窺旨
不過冀一時幸非罪也或減祿賞十之二何足損其功若
窺旨為罪則湯和常州之酒夫不更悖耶上嘆永忠則
知上雖親儒生于單詞隻語俱臆摩而懸度之其後功
臣多誅絕早見端于此矣


定元降臣高昌王岐王借三品服陪祭



戊戌大宴功臣宴罷諭曰創業之謀與卿等勞心苦力艱難多矣艱難得之當艱難守之朕今不敢逸卿等亦不可忘前事明日入謝上退御華蓋殿賜坐從容歸功諸將徐達等稽首曰臣等起猷畝從陛下每奉成筭如指諸掌事定不爽毫分天錫聖智非臣等能也上曰曩四方紛與亂朕與卿等圖生而已渡江以來觀群雄所為非淫即貪奢侈者溺剽賊者鬥朕始有救民之心當時張士誠恃財陳丘友諒恃兵朕獨無恃不殺人布信義守勤儉又恃卿等同心共濟時二寇相恃友諒剽而輕士誠狡而懦友諒士誠必不擊

能援擊士誠友諒空國來矣此朕取二寇之先後二寇既除或勸盪平群盜或欲直趨元都皆未合朕意先命卿等取山東次及河洛親至大梁止潼關之兵張思道李思齊擴廓帖木兒三人皆百戰之餘未必遽降是以出不意反旆北行元都既舉然後西征張李望絕勢窮以故不勞而克然擴廓帖木兒猶能力戰相拒向使未平元都先為角力彼人望未絕勝負未可知矣事勢與二寇又正相反達稱皆頓首稱善

命曹國公李文忠領大都督府穎川侯傅友德吉安侯陸仲亨濟寧侯顧時臨江侯陳德六安侯王志榮陽侯鄭遇春江



陰侯吳良南雄侯趙雄並同知都督府事指揮王成單發沐
英何文輝莊齡王簡藍王仇成金胡興費震王弼胡德並大
都督府僉事

祭戰沒功臣給其家

辛丑 上朝罷坐東閣召諸武臣曰往在戰陣以力為能以
勝為功今當講求古名將功成事後君事何道持身何禮所
能保全功名者何人常以為鑑

嘉興知府吳文燧奉使閩婆國卒于興化文燧永康人從上
拜左副元帥兼知事縣歷今官

丁未夜有大星自天市北流漸暈


庚戌 上南郊

辛亥命高翰北平粟一石八斗給淮浙鹽一引

穀民數給戶帖戶各具鄉貫丁口田宅僮婢畜產戶部印驗
之

壬子曹國公李文忠立浙江七衛錢糧塘海寧杭州湖州崇
德德清金華又衢州守禦千戶所分戍五萬五千五百十三
人後改湖州金華守禦千戶所

改郊祀牲房



甲寅夜太白犯壘壁陣

乙卯封中書右丞汪廣洋忠勤伯祿三百六十石御史中丞
兼弘文館學士劉基誠意伯祿二百四十石公侯正一品伯
次之

吏部尚書王興福降西安知府刑部尚書郎奉中改吏部

十二月戊午先是松江錢鶴皋餘黨至是逮至百五十四人皆

論死上宥之戍蘭州

中書省欲徙西北降胡于內地杜後患上曰胡人耐寒驅
而南遠其性易亂不若順而撫之就邊地擇水草孳牧自然

安矣


上聞指揮董虐諭習林衛指揮使葉昇等曰居京師與閩外
不同爾等享富貴不宣之是撫反虐之大失人心

庚申元宗主也先帖木兒等自大同來降授百戶

戶部言陝西察罕腦兒有大小鹽池宜設鹽課提舉司募商
入粟中鹽或入金銀布帛馬騾牛羊准其直從之

辛酉大明志成編天下州縣地理形勝降附始末儒士魏俊
民黃麓劉儼丁鳳陳思光鄭權纂修皆授官

命軍餉俱每月初給著為令



癸亥故元主子失篤兒外戚阿里麻思海牙駙馬忙哥刺失
等來降各賜宅一區

遺書元嗣主并招諭和林諸郡

甲子 上朝退語湯和等曰卿等安享富貴當保此祿位傳
之子孫尉遲敬德單騎脫唐太宗于王世充軍中及爭宴拳
毆任城王李道宗太宗怒欲罪之長孫無忌以皇后親弟佩
刀入禁門后請置法外戚猶不免况其他乎

遣祭南海

中書省議民私鹽法當死 上以細民急衣食杖戍蘭州已

潭州人私錢下寶源局

翰林侍讀學士魏觀為國子祭酒編修宋濂為國子司業
作奉先殿時享朔望薦新家人禮


乙酉戶部尚書商嵩為侍御史邵武知府周時中為吏部尚
書磨勘司令郭曾為治書侍御史延平知府唐鐸為殿中侍

御史

元平章汪廣洋慶奴弟左丞汪桑哥趙敬安答兒等來降

廣西陽山縣十萬山盜作南寧衛兵討平之

雷州衛指揮同知張秉彝上四事曰預造戰船防海寇曰增



戍雷州以援欽廉曰雷州添兵鎮守曰益課給民間糴糧贍
軍上從之


戊辰封右丞薛顯永城侯賜綺帛六十匹居海南上諭諸
將曰自古帝王爵賞酬功刑罰懲惡故能上下相安以致治
也漢高帝非功不侯終不免誅侯君集有功犯法唐太宗欲
宥之執法不可非二君之忘臣勞其臣自冒之也薛顯始自
盱眙來歸從朕征討皆著奇蹟破慶陽追擴廓帖木兒戰賀
宗哲勇略意氣朕甚嘉焉惟其剛忍屢戒不悛至妄殺胥吏
殺獸醫殺火者殺騎卒殺天長衛千戶吳富奪其孳畜歸還

富妻某氏哀經道哭訴寃于朕朕欲刑之人將謂天下初定
即殺將帥令仍封侯謫海南三分顯祿一以養其父母妻子
一贍富家一贍騎卒家庶功過不相掩國法無廢卿等皆居
戒顯所為諸將皆頓首辭稱謝

始令祭無祀鬼神禁壇京師曰泰厲王國曰國厲府州曰郡
厲縣曰邑厲民間曰鄉厲

延安衛指揮唐恪綏德衛朱明等追敗元兵于燕山只斤擒
五百餘人

已巳定公侯儀從



庚午遣祭歷代帝王山陵伏羲神農黃帝少昊顓頊唐堯虞
舜夏禹商湯中宗高宗周文王武王成王康王漢高祖文帝
景帝武帝宣帝光武明帝章帝魏文帝隋高祖唐高祖太
宗憲宗宣宗周世宗宋太祖真宗仁宗孝宗理宗九三十有
五
壬申湖南長沙峒蠻田作亂江夏侯周德興討平之
祭酉許福建輸土產支戶口食鹽
丙子大都督府覈自吳元年十月迄今逃卒四萬七千九百
八十六人命諸司追捕之

丁丑禁武官縱軍鬻販

諭徐達等久勞許三日或五日一朝有大事召議之達固辭
上不許是月定親王鹵簿儀仗

戊寅宋國公馮勝為大都督府右都督


己卯置諸王府儀衛司

賜徐達等勲臣田產

元臣王成等二百七人老疾放歸

辛巳右丞王溥為河南行省平章潘原明為浙江行省平章

俱世指揮同知李伯昇李思齊為中書平章方谷珍為廣西



行省左丞江西行省右丞張麟為行省左丞俱世指揮僉事
食祿不視事

禮部尚書陶凱請選東宮官屬罷兼職專其輔導 上曰朕

慮廷臣與東宮官屬不咸甚至釁除萌奸漢之江充可以為

鑒設兼職父子一體君臣一心之義也

杭州江西燕山青州都尉指揮使司

壬子初日中屢有黑子求直言起居注萬鎰言死刑請三覆

奏毋輒置之吏部尚書郎本中訪中原山澤之士或官吏

不能加黜罰 上皆是之

置河南西安太原武昌四都衛指揮使司滕縣守禦千戶所

甲申享太廟行家人禮百官免陪享畢諭陶凱曰鬼神則享

于克誠心有警乃不放其鑄銅八高尺有五寸手執簡書曰

齋戒致齋之日以致朕前


上嘗御東閣側室弘文館學士危素行簾外索 聞履聲

上曰誰對曰老臣素 上曰朕謂文天祥也乃爾乎亡何監

察御史王著等劾危素亡國之亡謫和州之含山為余闕守

廟

設遷曰興王之朝多亡國之餘材如秦從龍張以寧王時



詹同張昶安然朱守仁李質其著者獨謫危學士以媿之
何也諛則馮道仇則危素彼降臣無所適從矣


是月前翰林侍講學士朱升卒


戶部奏今歲山東河南江西墾田二千一百三十五頃二十

畝


是年趙王杞薨

國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.





辛亥洪武四年

正月丙戌左丞相太師韓國公李善長致仕




中書右丞忠勤伯汪廣洋為右丞相叅政胡維庸為右丞詔
曰天下已定有功盡封大將收戈解甲于武備之庫息馬家
庭從善樂游功名兩全古何過哉中書左丞相李善長事朕
十八年寅至戌歸勤勞多矣漢之何參無以尚也其年既高
馳驅侍立朕心不忍業許致政今以中書右丞汪廣洋為中
書右丞相叅知政事胡維庸為中書右丞總理軍國重事焉

國權

洪武

二頁

國家圖書館, NATIONAL CENTRAL LIBRARY, TAIWAN, R.O.C.



設遷曰李韓公甫進上公遽致政豈辟穀從赤松子遊乎
而非其人也蓋富貴極意稍溢而倦上微覺之始指相
印故詔多微詞霍氏之禍萌于驂乘洵矣

丁亥命伐夏中山侯湯和為征西將軍江夏侯周德興德慶
侯廖永忠為左右副將軍暨滎陽侯楊璟都督僉事葉昇以
舟師下瞿塘趨重慶潁川侯傅友德為征下前將軍濟寧侯
顧時臨江侯陳德為左右副將軍暨都督僉事何文輝等以
騎卒越秦隴趨成都上密諭友德曰夏人聞吾西伐必悉
銳守險東扼瞿塘北阻金牛若出不意直搗階文門戶既隳

腹心潰矣

中書右丞相魏國公徐達往北平練兵

戊子宋國公馮勝往陝西葺城堡衛國公鄧愈鎮襄陽餉西
軍

令吏部月理貼黃蓋選官里氏履歷詳黃紙上貼于籍壘識
之曰貼黃月一更歲終貯籍內庫


詔禮部參倣歷代祀郊廟社稷日月諸神冕服并百官陪祭
冠服之制凡郊廟日月服袞冕餘月皮弁服陪祭各服本品

梁冠祭服

國權

洪武

百五



已丑賜 太子大本堂記玉為之質龍紐

翠昌臨洮慶陽地震

庚寅作圓邱方邱日月社稷山川壇及太廟于臨濠 上以

畫繡欲都之劉基曰中都蔓衍非天子居也

定公主駙馬封號南昌王女福成公主蒙城王女慶陽公主

宜改郡主駙馬都尉王克恭黃琛宜改儀賓 上曰吾兄早

亡不忍降其女封號如故歲祿五百石克恭兗州衛指揮使

琛淮海衛指揮使各賜詔

諸王儀鑾司改儀衛司仗改典仗

置福州衛

立武靖岐山高昌三衛卜納刺為武靖衛指揮同知來架朵

兒只班為岐山衛指揮同知和尚為高昌衛同知

辛卯何瑄南普為河州衛指揮同知朵兒只汪家奴為僉事


世襲領千戶所八軍民千戶所一百戶所七軍民百戶所二

壬辰河南知府廣濟徐麟求終養改知蘄州刑部侍郎左安

善為河南知府

甲午置建寧都衛

丙申定王國宗廟社稷壇之制



諸暨水災免田租

戊戌立內城門禁

己亥中書省上郡縣官之數郡縣凡千二百三十九官五千

四百八十八員

頒御史憲綱 上語臺臣曰元貴本族輕南士不得入風憲

非公也殿中侍御史唐鐸曰聞元時遣使宣撫百姓初出甚

震動至則寂然謠曰奉使宣撫問民疾苦來若雷霆去若敗

鼓至今貽笑

龍州知州趙帖堅來貢

壬寅賜故元臣禿魯書

癸卯 上以天寒念邊戍之苦命中書省製棉袄賜蔚朔寧

夏吏卒

元降將不沙丁為驍騎前衛副千戶

元樞密都連帖木兒等自東勝州來降詔置失寶赤千戶所

領百戶所十一五花城千戶所領百戶所五幹魯忽奴千戶

所領百戶所十燕只千戶所領百戶所十甕吉刺千戶所領


百戶所六

徙揚王廟于盱眙徐王廟于宿州各執其墓

國權

洪武

三首卷七



甲寅治廣西興安縣靈渠三十六隄蓋秦漢舊蹟復之溉田
萬頃

乙巳令宦官月廩石一初月支粟九斗中書省請加俸三石
上曰彼衣食于內何俸為卿輩毋開其端

丙午安南國王陳日燿賀平沙漠貢馴象

丁未諭中書省既設科取士各行省連試三年自後三年一
舉著為令

置大同都衛指揮使司耿忠為都指揮使
戊申雨大水


庚戌定文武官歲俸

二月丙辰轉山東糧十萬石饋大同

戊午吏部主事林唐臣翰林編修王濂還自安南陳日燿遣
陪臣阮汝亮表謝貢方物

吳朴曰王濂唐臣為使禮儀曲折俱合典禮日燿乃敢心
萌犯上往返數四茲乃蠻夷示尊詫衆之術然非所以施
于受封也慢朝使以示尊武日燿本心亡矣叔明篡弒其
亦有所窺而動乎

刑部郎中劉維謙為尚書 上諭曰仁義者養民之膏粱也



刑罰者懲惡之藥石也舍仁義而專刑罰是藥石毒民卿當體古欽恤之意

太白晝見

壬戌湖廣行省叅知政事盱眙戴德卒于京師贈行省右丞

追封譙郡伯世 衛指揮僉事

丁卯鑄洪武通寶小錢民便之

戊辰免太平鎮江今年田租

己巳燕府左相淮安侯華雲龍兼北平行省叅政左傅高顯

兼大興左衛指揮使

癸未命工部市廣東新牛給中原農民
壬申免寧國今年田租 始會試得俞友等一百二十人

癸酉設都指揮使司斷事六品副斷事七品

定淮浙山東中鹽之例商輸粟中都每引淮鹽五石浙鹽四

石輸開封淮鹽二石五斗浙鹽二石輸襄陽淮鹽二石五斗

浙鹽一石五斗輸新安淮鹽四石浙鹽三石五斗輸長永陝

州淮鹽三石五斗浙鹽二石五斗輸荊州淮鹽四石五斗浙

鹽四石輸歸州淮鹽二石浙鹽一石三斗輸大同淮鹽一石


浙鹽八斗輸太原淮鹽一石三斗浙鹽一石輸孟津淮鹽一


石五斗浙鹽一石二斗輸河南淮鹽一石五斗浙鹽一石二

斗山東鹽二石三斗輸陳州淮鹽三石浙鹽二
石輸西安淮鹽一石三斗浙鹽一石八斗山東鹽二石五斗
石輸北通州淮鹽三石浙鹽一石八斗山東鹽二石五斗

國權 洪武

二首亮





陳繼儒曰民之兵與農分矣然得鹽以屯邊不至盡驅東
南之農而養西北之兵者則鹽屯為之灌輸也今策蓋者
曰苦課重若守吏若私驚苦攤汰存積也策屯田者曰苦
牛具苦溝洫苦課稅子粒也此無他以鹽屯之未合而祖
制未復也往高皇帝召商實粟邊下商為之募眾墾土
蓋與屯合斥鹵千里化為桑田一利也農不輸餉兵不輸
飽二也利商且受粟夕受饌券交于左筐盈于右三利也
邊實下虛即淮揚有警而咽喉自在四利也且耕且守人
自為戰里甲戒行敵氣自寢五利也生齒煩烟集戍卒
無鄉國之悲而流移有土著之樂六利也商以邊為陸海
卜以田為地網七利也於乎七利舉而即使劉大夫握管
趙先零給圖何以讓哉不然江以北窘言兵江以南窘言
農賜然枵腹相望而兵則且薄之農則水旱薄之惟
鮮衣大賈跌手堅坐以享獵天下之利何不召易輸也
慈利縣屢寇擾免去年田租千四百七十餘石
以臨濠旁近州縣通水漕者隸中都壽邳徐宿穎息光安信
陽五河懷遠定遠中立蒙城霍邱燕山宿遷睢寧碭山靈璧
穎上太和固始光山豐沛蕭

甲戌 上如京都

壬午還宮

元遼陽行省平章劉益以遼州降上地圖兵賦之數立遼東

衛授益指揮同知

三月乙酉朔策貢士于奉天殿賜吳伯宗等進士及第出身有

差授伯宗禮部員外郎賜袍笏冠帶高麗貢士三人金濤朴

實柳伯儒惟濤登第授安邱縣丞不能漢語遣還進士傅臚

後聽東宮注授寫職名為九耦進而分拈之下第貢士皆授

縣亦丞拈九注還

國權 洪武

二百五

沈德符曰先一年庚戌以明經薦至京師者 上俱親策

問之賜徐大全等出身有差番禹李德以明尚書薦預焉

授洛陽典史歷濟南西安經歷告改漢陽教諭又任義寧

縣致仕見黃太泉佐傳中則庚戌實第一科又蘇州錢氏

世譜云庚戌狀元安大全則徐字之悞也楊升庵紀洪武

五年壬子科會元莆田陳忠狀元則朱善蓋連三年三賜

廷對得大魁三人而世知之者鮮矣

丙戌改圓邱方邱壇

癸巳命東勝蔚朔武豐雲應皆極邊止設千百戶統領軍民

耕守不設有司

丙申置濠梁後衛南陽衛

丁酉罷司農司

戊戌日中黑

庚子命 皇太子觀元史世祖時事曰彼初有天下政不及

漢唐况古人乎


辛丑許山東山西陝西歲辦鹽課即質其地棉布備軍裝

壬寅 皇子椿生

膚施縣旱免租二萬八千二百餘石

國權 洪武

三十一



癸卯令欽天監官未仕

山東山西鹽課折收銀布赴大同易米餉軍

乙巳定婦命封號一品二品夫人三品淑人四品恭人五品

宜人六品安人七品孺人

徐達徙順寧興州邊民九萬三千八百七十人于北平

置淮遠衛于臨濠

丁未遣祭歷代帝王山陵陳州伏羲商高宗孟津漢光武洛

陽漢明帝章帝鄭州周世宗鞏縣宋太宗太祖真宗仁宗榮

河商湯項城唐克曲阜少昊內黃商中宗滑縣潁頊高辛鄴

縣神農寧遠虞舜會稽夏禹宋孝宗中都黃帝咸陽周文王

武王成王康王宣王漢高帝文帝景帝興平漢武帝長安漢

宣帝三原唐高祖醴泉唐太宗蒲城唐憲宗涇陽唐宣宗著

于祀典俱二八月朔祭禁民樵採

戊申贛州人悞宿逃囚刑部坐其罪上曰彼不以為囚而

宿之亦恒情也遂釋之

庚戌令有司滿三年稱職始給告身


召還薛顯于海南

閏三月甲寅朔置延平衛

國權

洪武

三首三



乙卯南海縣送官牛至京多道死工部責償且送臨濠 上

曰彼遠役又何堪焉止勿償

戊午蘇州知府陳寧為浙江行省叅政

已未 上諭省臺臣擇宮僚端謹文學者省臣曰邪正未易

辨 上曰尊德樂義正也便佞褻慢邪也故驕奢淫佚鮮不

由于褻慢而端莊中正必皆本于好德

戶部尚書宋冕為河南行省叅政

賜功臣墳戶李善長徐達常茂馮勝各百五十戶鄧愈唐勝

宗陸仲亨華雲龍顧時陳德耿炳文吳禎都督孫恪郭子興

各百戶

庚申置法酒庫

侍御史高嵩往山東北平收故元漢軍按籍十四萬一百十

五戶每三戶出一卒分隸北平諸衛

夜有大星自壁宿流游氣中没

辛酉賜韓國公李善長牲醴米茗時董建臨濠宮殿

置太原左右二衛仁和衛


甲子刑部尚書班用吉降江西按察副使磨勘司令王宗為

刑部侍郎

國權

洪武

三頁五



乙丑定內臣品秩 上諭侍臣曰古閹人不過司晨昏供服
役自漢鄧太后稱制專常侍小黃門通命漸至權傾人主朕
防之極嚴犯法必斥霜冰之戒也

設遷曰 高皇帝嚴宦寺之戒亦嘗遣使于外又 祖訓
略不之及何也得毋徂其積輕謂後之人必世之遵此更
不足慮耶

故元宣慰司僉事范自野自察罕腦兒來降

丙子刑部侍郎李友諒為尚書

戊寅命故元臣脫列伯招諭甘肅塔兒等處

庚辰兵部尚書劉貞為治書侍御史

長陽縣盜執縣丞曹原善里人黃再文擊平之賜百五十金


辛巳陳寧為御史中丞宋冕為中書省叅政

壬申陳脩為吏部尚書蔣毅趙望為刑部侍郎朱從善為戶

部侍郎

置泰州守禦千戶所

是月征西將軍湯和等次夔之大溪營楊榮陽侯楊璟引兵
出溪口趨瞿塘夏平章莫仁壽守瞿塘以鉄鐳閘關左丞相
戴壽平章鄒興副樞張 益兵鑿兩崖引纜為飛橋置砲



石竿鏡匣兩岸環戰勿利所遣指揮韋權出赤甲山李仁出
白盭山俱卻還歸州

刑部搜繫囚得嘉興王升所遺其子平涼知縣瑱書奏上之
書曰當官先廉貧士常也以仁慈撫民以忠勤報國以謙敬
處已暇日玩味經史則自然無私無邪入熟讀律令則守法
不感蓋仕學不可偏廢人使子二三枚川椒一二片經稅附
乃來毋致餘物 上覽書詔升曰昔元之初人奉實學其後
尚虛名干權勢朕習見世情貪嗇有如蠅蟻是慈父失教耶
抑教而子不從也爾升庭有善訓朕甚嘉之賜爾百金絹十

匹附子五枚川椒五斤仍復其家

嘉興府志嘉興王軫

四月癸未朔岳州知府蔣思德復為戶部尚書侍儀使韓寬為
戶部侍郎楊翼安為禮部侍郎

置梧州守禦千戶所


甲申滎陽侯鄭遇春都督僉事莊齡往臨濠開行大都督府
禮部侍郎秦文繹為戶部尚書

丙戌征下前將軍穎川侯傅友德克階州初友德入陝揚言
曰出金牛引精騎五千趨陳倉緣山晝夜行抵階州守將平
章丁世真來拒擊敗之

國權

洪武

三頁



戊子征西將軍中山侯湯和克歸州分遣南雄侯趙庸宣寧侯曹良臣克桑植容美洞會江夏侯周德興克茅岡單屋寨和次歸州

己丑申定王府官制


傅友德抵文州夏人斷白龍江橋友德葺而濟至五里關丁世真復來拒戰都督同知巢縣汪興祖中飛石死友德奮戰破之拔文州

庚寅西師未捷命永嘉侯朱亮祖為征右副將軍濟師壬辰置金城金川門太平門二千戶所

癸巳傅友德兵渡青川果陽白水江會都督僉事王成趨隆州

乙未湖廣行省平章廣德侯華高卒于崖州高舍山人自巢湖來歸性怯屢從征引避至是自請招撫廣東無子予祭葬納鉄券墓中追封巢國公謚武莊置長淮衛于臨濠領舟師

丁酉前弘文館學士羅復仁卒復仁吉水人漢翰林脩撰壬寅歸我于九江甲辰授中書諮議說下陳理拜國子助教歷使山西安南以質直重



廖道南曰馬援有言非惟君擇臣亦擇君夫中原鼎沸

醜_下羶汚群雄角立未知鹿死誰手復仁乃辭其故主翊

戴真龍推心置腹直見本真其綸綍之褒非溢美也

戊戌太白晝見

庚子徵儒士趙普張羽俱至晉直秦府致仕張羽放歸

辛丑五色雲見

秀才丁士梅為蘇州知府童權為揚州知府

傅友德克隆州

禁直馳御道橫度者勿論

癸卯傅友德兵徇下江油彰明二縣趨綿州遣都督僉事藍

玉夜襲其壘守將向大亨兵擾凌晨友德自後乘之大亨潰

遂克綿州龍驤衛指揮史鑑戰死大亨走漢州

己巳置文州漢蕃千戶所

丙午徵天下儒士下第貢舉及山林隱逸農而志仕者給廩

傳遣之

戊申五五色雲見


冊皇太子妃常氏常遇春之女

太白晝見

國權

洪武

二百七



置岳州衛

已酉五色雲見

辛亥定太廟侑祀功臣合祭

綏寧縣鄭成名等作亂敗官軍命江陰侯吳良討平之

王庶為澠池縣丞縣患虎噬人庶操文祭城隍神果絕跡

故元知院白文顯先來降至是叛于華亭平涼衛指揮秦虎

討平之

是月祠元御史大夫福壽上曰朕渡江來元守臣如福壽

無外兵之援其殉國忠矣令有司歲祭之

五月壬子朔日中黑辛巳始隱

乙卯免江西田租詔曰朕本農夫深知田間疾苦及親率六

師南征北伐備悉將士之勞天下一統東戍遼海南鎮諸番

西控羗夷北靖沙漠皆以中國精銳屯守邊要艱難萬狀朕


不忍言然欲鎮安黎庶必資守邊之力其于科徵轉運事豈

得已念惟江西之民土豪割據狼驅蠶食貨財一空歸附之

後供給煩重已九年矣兩浙歸附以來貪官污吏害民肥己

亦四載于茲今雖掃除尚未蘇醒其免今歲秋糧嗚呼四海

蒼生旦暮念之事有緩急故恩有先後唯爾下民體朕至意



作用寶金牌二中書省大都督府各留一值請兵牌入始出
寶用之又走馬符牌事急遣使佩之又金牌二十銀牌二十
俱鈇為之長五寸博二寸五分藏內府遇調發則出
中山侯湯和攻瞿塘以江漲次大溪口欲待秋水落乃進
丁巳李守道詹同為吏部尚書

戊午置上蔡新蔡縣隸汝寧

己未赤星星見午位

傅友德阻漢江乃造舟百餘艘夏人益震

辛酉江寧縣進白兔

進士郭翀為廣州知府廉潤為松江知府楚岳為湖州知府
詔天下吏人服皂

甲子令工部鑄銅板監課引目預造朝服備給散

乙丑禁諸司于掾令史外濫設貼書

丙寅立中都大社

故元平章魁的斤等以千餘人自東勝塔灘來降

故元平章洪保、馬彥輩入舟等叛殺遼東衛指揮同知劉


益

壬申置太原前衛

國權

洪武

二百九



癸酉定中宮妃主常服及外命婦朝服常服之制

戊寅禮部尚書楊訓文為戶部尚書

巳卯傅友德治舟訖作木牌數千大書某日克階某州日克文州投之漢江順流而下以達湯和夏人見之奪氣

辛巳 上與廷臣論刑法御史中丞陳寧曰法重難犯吏察難遁 上曰不然法重則刑濫吏察則政苛施重刑而又委之察吏民手足無措矣朕聞帝王平刑緩獄天下服從未有用申韓之法致堯舜之治也寧慚而退


六月壬午朔太白晝見

傅友德渡江克漢州夏人初竭力守瞿塘及階文二州陷丞相戴壽太尉吳友仁自瞿塘來援未至我偏城下向大亨出戰大敗之援兵至復敗之遂拔漢州城戴壽向大亨俱走成都臨江侯陳德又追敗之俘三千餘人友仁走占城友德又敗之友仁走保寧

平陽知府徐本為戶部尚書

故建寧降將阮德柔贈武德將軍管軍正千戶

丙戌詔讓征西將軍湯和曰傅將軍冒險深入克階文二州次于平川乘勝之機正在今日將軍當水陸夾攻夏人首尾



受敵乃頓師于漢口俟秋水落將軍欲辨象馬乎皇帝問將
軍前與將軍言不記憶何怯也德慶侯廖永忠聞命又得漢
江木牌乃自白鹽山伐木開道由紙坊溪直趨夔州

戊子劉季通為起居注陳則為戶部侍郎邱民為禮部侍郎
杜寅趙彰為兵部侍郎

廖永忠敗平章鄒興于舊夔州殺溺甚衆

辛卯廖永忠進兵瞿塘鉄鑪飛橋亘関口不能舟遂選壯士
數百衣青莎衣雜卉自草舁小舟持餽糧水筒踰山度関出
其上度已至夜出精兵黑葉渡皆頭裹鉄置火槍火炮味爽

與夏人戰上流之舟鼓而下下流之舟師火而上夾擊大破
之鄒興中炮死焚其飛橋鉄鑪為鎔擒其將八十餘人斬千
餘級副樞張遁去永忠入夔州明日湯和至分軍和率騎


卒永忠率舟師約會于重慶

癸巳中書省叅政宋冕為江西按察副使班用吉為江西行
省叅政

丙申傅友德薄成都

丁酉儒士趙新為開封知府

戊戌夏平章丁世珍復陷文州守將指揮僉事如臯朱顯忠



僅七百餘人悉力拒戰死之千戶王均諒被執不屈被磔于
東門外事聞並祭恤其家贈均顯忠鎮國將軍都指揮使
夏平章俞思忠以金州九龍山寨來降
北平地震


已亥置成安縣隸廣平

廖永忠抵重慶次銅鑼峽明昇大懼右丞劉仁等勸其奔成
都昇母彭氏泣曰今大軍勢如破竹守必不支若使天統之
君薦其血腥以比于蒲罕開明妾母子母久苦蜀人也昇乃
詣軍納款永忠曰征西將軍未至不受

庚子唐宗魯為工部侍郎

壬寅故元右丞張良佐左丞房嵩自遼東來降貢馬殺馬彥
翬洪保走納哈出營執平章八冊知院僧兒等至京納元
所授印勅金牌上嘉之授斷事吳立及良佐嵩俱遼東衛
指揮僉事

癸卯湯和至重慶受明昇降送明昇并降表于京師表略曰
見同井蛙計窮穴兔揣罪實由于已啟釁用非其人迎拜道
旁竊效子嬰之繫頸仰瞻天上敢希益昶之傾心臣某謹表
高岱曰蜀地與中原隔絕昔人謂其後天下而亂亦後天



下而平大抵中原有事蜀必割據天下一統蜀亦不能久
存也玉珍非有雄才大略以我所爭在西北勢不暇及蜀
故得稱雄僻壤耳及我定中原清閩陝明昇自當稱臣內
附不失茅土世封楊璟之書譬曉明切而昇不能從可謂
不度德量力矣

甲辰置彭城濟州濟陽衛 北平 平山衛 山東

製武臣金銀牌指揮佩金牌雙雲龍雙虎符凡五百千戶佩
鍍金銀牌獨雲龍獨虎符凡二千百戶佩銀牌凡萬有一千
牌博二寸長尺竅其首紅繩貫之 上親為文曰上天祐民


朕乃率撫威加華夷實馮虎臣錫爾金符永傳後嗣

丁未夜諸暨大雨水溺人

征 右副將軍永嘉侯朱亮祖兵至重慶

戊申吏部尚書詹同禮部尚書陶凱作宴享九奏樂章曰本
太初曰仰大明曰民初生日品物亨曰御六龍曰泰階平曰
君德成曰聖道成曰樂寧 上以協律善之悉併俗樂

賜故元臣驢兒書曰爾所守封疆與朕邊將旌旗相望若不
通介使恐將軍他日進退兩難幼主倘失圖強臣自立將軍
能忘君以事仇乎名義所在舍耻忍辱諒不為也不然必驅



兵向之苟力不足麾下一旦解體將身死人手妻子離散又何益之有哉將軍幡然改悟結我以善後他日遇難來依朕不食言

倭寇山東膠州

庚寅 上御奉天殿問吏部尚書詹同古帝王之治曰無過唐虞三代 上曰三代而上治以心三代而下治以法心則道德仁義其用無窮法則權謀術數其用有時而窮故擇術不可不慎也


是月遼東衛奏元將納哈出據金山擾邊 上遣萬戶黃儔

致納哈出曰元地非不廣兵非不衆一旦紅巾起于汝穎盜徧中原盜名字者數人韓林兒帝亳徐壽輝帝蘄陳友諒帝九江張九四王姑蘇明玉珍帝蜀皆為我俘 此天命非人力也大厦既傾非一木可支機之後先惟將軍自思之納哈出留儔不遣

七月辛亥朔存心錄成

豐城知縣林唐臣為吏部考功郎中唐臣前使安南還命令豐城坐事逮至京獄中上書釋之

置定遠都指揮使司馬雲葉旺為都指揮使總遼東諸衛兵



命徐達自北平往山西練兵

番禺等縣大風拔木三日

在廣東

壬子命中書省母奏祥瑞災異蝗旱水即以聞

又南寧大雨江溢壞城舍

庚申傅友德圍成都戴壽向大亨驅象戰前鋒弩射之象反

蹂蜀友友德亦中流矢已聞明昇降乃俱降得士馬三萬餘

戴壽向大亨鄒興莫仁壽丁世真皆夏之謀勇臣也壽大亨

仁壽等既降至夔峽皆鑿舟自沉死

辛酉夜太陰入南斗冠中

壬戌傅友德分兵徇崇慶知州尹喜清拒戰擊斬之判官王

桂降

曹國公李文忠往四川撫綏軍民

癸亥蒲州地震

吏部尚書陳脩卒脩江西廣信府弋陽縣人自推官擢兵部


郎中出守濟南二年進今官叅酌時宜秉公校實

蓋修落之年五十一

甲子浙江龍游縣大雨水壞民居命給賑濟

乙丑夏明昇至京師命議受降禮省部上言宋乾德三年蜀

主孟昶降請考故事雜定其儀宜御奉天殿明昇進表午門



外叩頭伏地待罪侍儀使奉表入承制出釋罪賜冠服引至
墀下拜謝 上曰袒奢淫自恣昇幼孽自臣下可免其叩頭
伏地 是日率官屬見封歸義侯賜冠帶衣服甲第一區
丁卯中書省請諸生俊民吏胥俱許應舉 上以更胥心猶
獨不許

戊辰故元詹事院副使南木哥詹事丞朵兒只以二千餘人

自河西來降

置汝陽 汝寧 無極縣 真定

已巳置商水縣 陳州

辛未置薊州衛

淮安衛華雲龍兵至雲州夜襲元平章僧家奴營盡俘其衆

乙亥占城國王阿答阿者來貢上金葉表長尺博五寸夷書

內訛安南侵擾請兵器樂器 上命中書省檄王安南已罷


兵所請兵器助鬥非義也擇爾國數人諳華語者來習樂并

諭福建免占城之權

丙子置四川行省刑部尚書劉惟謙為叅政

夏平章丁世真率其餘黨攻秦州守將指揮潘基固守五旬

餘擊走之世真敗夜宿梓潼廟為小校所殺小校赴京師自



言功 上曰殺主帥非義也不予賞

八月辛巳朔置振武衛親軍指揮使司

改用寶金牌博三寸長九寸五分上釵鳳二下釵麒麟二

癸未 皇子 柏生

乙酉夜天鳴

丙戌徙應天治于江浦

庚寅罷鞏昌故元總帥府

癸巳淳泥國王馬合謨沙來貢淳泥西南海中閣婆屬國

置柘城考城縣 開封

上以北平山艱運命銀三十萬兩布十萬疋即就近地方易

米以餉吏卒又遼東衛乏馬發山東布萬疋貫馬給之

甲午令商輸米重慶給鹽引淮鹽一石一斗浙鹽一石

免淮安揚州泰州滁州無為州等處今年田租

乙未夜有赤星自右旗流入游氣中没

己亥中書省左司郎中海淵為戶部尚書

國子祭酒魏觀謫龍南知縣司業宋濂謫安遠知縣以考孔


子祭禮不即上

庚子江夏周德興等克保寧執吳友仁械送京師蜀始平

國權

洪武

音文



上語侍臣曰孫武論將使愚使貪其言殊繆夫武臣當量敵制勝智勇兼盡不可使愚捐軀殉國以廉養士不可使貪
祭郊遣拂菻國人控古倫持詔諭其國王
故元宗王子巴都麻失里沙加失里院使汪家奴等來降
戊申穎州上猶縣盜起命宜春信侯黃彬率師往勦之
已酉關中大饑命賑濟之凡二萬二千餘戶米若干石
遣諭雲南八番烏撒等蠻
是月海寇羅子仁陷廣東高州殺通判王名善雷州衛千戶
黃清擊斬之

九月庚戌朔日食

甲寅高麗入貢

乙卯夜熒惑犯壘壁陣

丙辰冊秦王檣妃王氏元右丞相河南王保之之女弟


設遷曰 高皇帝憂在漠北意未始一日或釋也于故元

主臣屢屨尺一終不我報而又最忌畏擴廓帖木兒將來

平城之慮必其人也欲廢制之不得締姻天室蓋即劉敬

公主遠嫁之策而逆用之非尋常所測也

國權 洪武 晉天



磨勘司令端以善為刑部尚書茹太素任升正張度 為

監察御史

分遣御史往山東河南北平覈鹽課逋賦

庚申三佛齊國王馬哈刺孔八刺卜來貢上金葉表

壬戌工部尚書安慶為北平北省叅政

癸亥夜月食

庚午諭省府臺臣曰海外諸蠻夷阻山越海僻在一隅彼不

吾擾朕決不伐之惟西北胡世患中國不可不備

呂宗俊還自暹羅國國王叅烈昭昆牙八貢馴象六足龜及

方物

贛縣地震


丙子置成都衛及右中前後四衛

丁丑命郡縣富民為萬石長主賦蓋郡縣吏多漁民故以民

治民必不朘削

戊寅日中黑

上曰手書與劉基曰近西蜀悉平稱名者盡停京師我之疆
宇不少前元以寬失天下朕今救之猛然小人但喜寬恣謗
罵國家煽惑非莫能治即今天象疊見天鳴已八載日中



黑子見三年今秋天鳴震動日中黑子或二或三或一日更有之更不知災禍自何年月日至卿年高靜處萬山中必有真知今遣刻期往卿問訊使行勿賚茶飯返之基悉條對而焚其草大要勸上國威已立宜少濟以寬大云

改虎牢關曰古毅關

是月置保寧守禦千戶所

衛國公鄧愈平鄖縣盜

江陰侯吳良平綏寧蠻還師

十月癸未置重慶守禦千戶所

夜有星自五車分而二没于四輔

癸巳日本國王良懷遣僧祖來入貢先是趙秩往未納

秩書諭之始聽命偕秩至京

乙未改廣興府曰廣德州


置朵耳衛指揮使司

丙申征西將軍中山侯湯和等還京上印綬

丁酉俘吳友仁等至以首豐誅友仁餘悉戍徐州

戊戌至雅州守禦千戶所

甲辰大都督府上京師兵額二十萬七千八百二十有五人



置泰州守禦千戶所

丁未置叙南青州二守禦千戶所

是月分建諸王邸

十一月丙辰冬至祀圓邱

真臘國巴山王忽兒那入貢

丁酉西安鳳翔慶陽早免田租一十九萬三千三百餘石

己未召魏觀永濂還朝為禮部主事

庚申上聞宋衛將士多酣費詔曰儉為治本奢為喪源習

奢不已入儉良難非保家之道爾其裁之

命官吏犯贓者無貸初元末政以賄成上深知之曰此弊

不革欲善治無由也

壬戌五色雲見

癸亥京師大軍倉火


丁卯祥符陳留等縣睢州早免田租

己巳置曲周縣隸廣平

庚午置禮店千戶所

壬申中書省請稅河南山東北平陝西山西淮安屯田命免

科三年後畝租一斗



上御武樓下語驍騎左衛指揮使郭英等曰汝亦思守身家乎曰臣愚亦念及此上曰軍士作臨濠宮殿爾私役之非自全計等英駭謝

甲戌聶緯宋晟郭英為廣東江西河南等衛都指揮使

乙亥定衛所逃軍之罰

是月安南陳叔明弑國王日燧自立叔明日燧叔也日燧居國色荒常以兩女進其艷巧六宮無並者復後以女進上不悅曰彼謂朕漁色耶併出前二女返之命使臣曰歸語主嫁之猶女也日燧竟以昏荒為叔明逼死

十二月壬午高郵守禦千戶所更改高郵衛置揚州衛


暹羅斛國王叅烈昭昆牙入貢上表賀明年正月元旦

癸未定吏卒優給之例

甲申上聞諸勲臣所賜庄戶不法召諸勲臣戒之曰卿等晚節宜留意而庄戶怙勢若不戢下必致累爾德也

乙酉吏部奏天下府百四十有一官八百八十人州百有九十二官五百七十二人縣一千三百官三千四十一人定文武官祖父封贈之制

丙戌命工部尚書朱守仁察吏山東



故元惠王伯都不花儲王伯彥不花宗王子蠻伯帖木兒
入朝各賜宅給月廩

命吳王左相靖海侯吳禎籍溫台慶元方氏遺兵及蘭秀山
流民凡十一萬一千七百五十人分成各衛仍禁瀕海民不
得私自出海

庚寅戶部言漢中之金州石泉漢陰平利西鄉產茶採之十
採其一官園十採其八每畧五十斤二畧為引貯有司易馬
西番從之

辛卯賞平蜀將士傅友德廖永忠各二百五十金幣二十雙

顧時百五十金幣十五陳德百金幣十二郭子以罪謫止興

幣十二雙故都督同知汪興祖金幣如陳德都督僉事何文

輝王蘭蓋玉張溫金朝興等各五十金幣十陳桓幣十王成

幣七湯和僅克李逢春山寨幣十五周德興幣十二俞通源


幣十梅思祖幣五都督僉事仇成葉昇幣亦如之林霽峰幣

六指揮幣八千戶衛鎮撫幣六百戶所鎮撫幣四總旗十二

金小旗十一金卒十金惟楊璟趙庸祖亮不賞上諭之曰

亮祖攻保寧不足掩潞州之敗趙庸合攻單崖寨中道返朱

亮祖比至重慶城下已故賞所後也又諭湯和怯和頓首謝



王世貞曰平蜀將帥古多不利自桓南郡外如吳漢岑彭
之于公孫述鄧艾鍾會之于劉氏郭崇韜康延孝之于王
衍王全斌之于孟昶大者慘敗小亦責數勳賞俱廢昔賢
嘗記之 國初如傅穎川廖德慶之下明昇功最卓絕至
勞人主紀頌而賞亦薄二將俱不益封主帥湯東甌又數
督責與昔所聞無異可怪也

壬辰賜中山侯湯和田一萬畝賜鞏昌侯郭子興米祿一千石
故大都督府同知汪興祖追封為東勝侯世襲祿一千石
令指揮千戶幼襲止給半祿年二十全之


聽軍民採江上蘆葦毋侵占


四川馬湖路總管安濟入貢

癸巳禮部欲罪鎮江官官鴛瘠者徵其直 上不許

漢中知府費震坐事逮至京師震多善政值旱飢貸倉糧十
餘萬石俾秋稔還之飢盜俱減 上聞而嘉之至是釋之以
勸良吏

丙申故元施南道宣慰司單大勝隆中路宣撫司同知南木
什用金洞安撫副使達谷什用東鄉五路軍民府知府結刺
什用及四川容美洞宣撫司田光寶各子弟入朝





置永寧貴州二衛瞿塘關漢中階州三千戶黔紀云置永宣撫司

戊戌選故常遇春叅隨葉壽等六十八人俱授京衛百戶

置橫海衛

定官民揖拜之禮毋許胡習

乙巳置寧國安吉宣武三衛于河南置諸城守禦千戶所

丙午故元宣政院副使常繼祖等自河州來降

大都督府僉事沐英何文輝為同知都督

戊申改馬湖路曰府

是月徐達還京師

延安中部盜起延安衛千戶曹隆擊平之

裁僧道善世立教二院

壬子洪武五年

正月庚戌併河南左右二衛為河南衛置陝州守禦千戶所

日中食黑

國權

洪武

二百九十五

故元兵犯汾州大同衛指揮僉事蔡端追擒八百餘人

壬子置親王護衛指揮使司各設三護衛設左右前後中

五所千二戶百戶十又圍子手二所各千戶一

瑣里國王卜納的來貢

二年六月遣塔海帖木兒持詔往諭因借至

癸丑詔犯罪當謫戍兩廣者發臨濠屯糧

遣翰林待制王禕偕蘇成往雲南詔諭元梁王把匝剌瓦爾

密

乙卯忠建元帥府元帥墨池釋用來朝置忠建長官司

庚申併振武神武鳳翔英武宣武廣陵等十二衛俱入豹韜

衛

播南故元參軍政余仲方來朝

辛酉上幸太平興國寺廣薦法會播玉圭禮佛再拜聽法

於僧宗勒受戒于僧慧日癸亥還宮

設遷曰聖祖宗尚六經于釋老二教亦不廢也蔣山法

會宋濂記之雖廣薦戰殤然遣一使足矣何至枉車駕其


禮特至也

壬戌暹羅斛國來貢

甲子遣楊載詔諭琉球國

國權 洪武

三十九夫



耀州宜君縣盜起秦州衛指揮僉事王溥等捕斬之

置蒙古衛

乙丑賜徐達李文忠馮勝交趾弓五十彤弓百曰古者諸侯有四方之功則賜弓矢卿宜此賜

歸德侯陳理歸義侯明昇居嘗怨望並安置于高麗昇性雅純通論語孝經母彭氏召入宮

設遷曰降國之主鮮能自全嫌忌既深械弄猝發李銀錢倣俱生日賜酒不保其年被寬仁之朝猶罹此禍况嚴察如聖祖者哉漢夏二豎不異長安一布衣終投海外諒

無生理幸漠北尚強故崇禮侯得食寄公之祿否則踵歸德歸義而三之矣

播州宣慰司楊鑑同知羅琛播州總管鄭明等來朝仍置播州宣慰司楊鑑羅琛秩如故總管為長官司

元貴州宣慰司鄭彥文及土官宣慰使靄翠等來朝普定府女總管適爾及來朝改知府世襲


龍番安撫使龍舜昌安方番安撫使方德用常番安撫使常祖金石番安撫使石良玉新番添安撫使宋亦隣真各來朝

戊辰定武選之法

國權

洪武

三百九



己巳命 皇太子及秦王櫟 往臨濠祭陵

庚午五色雲見

上御武樓計邊事曰擴廓游魂尚出沒柰何魏國公徐達曰
亟發兵坑豎子耳度兵幾何曰十萬足矣 上曰吾予卿十
五萬騎拜達征下 大將軍出鴈門曹國公李文忠為左副將
軍出應昌宋國公馮勝為征西將軍出金蘭各五萬騎征擴
廓帖木兒于沙漠

辛未改留守司曰留守衛

危素疾

甲戌 上戒徐達等曰大將軍出中路揚言趨和林實持重
致其來擊之左副將軍出東路掩其不備征西將軍出西路
取甘肅以疑其兵令下 莫測乃善計也

靖海侯吳禎航海餉遼東給北軍


命衛國公鄧愈為征南將軍江夏侯周德興江陰侯吳良副
之討古州田州澧州諸處洞蠻愈率滎陽侯楊璟宜春侯黃
斌出澧州德興率南雄侯趙庸指揮僉事左君弼出南寧良
率平章李伯昇出靖州

置廣東衛

國權

洪武

三夏六



城中都周四十五里

丙子故元知樞密院伯顏以步眾五百餘人來降

置四川納溪白渡二監馬司

五色雲見

故元知樞密院呵輦真巴藩王子赤斤帖木兒等來降

龍虎衛改燕山護衛置西安太原廣西等處三護衛

是月危素卒素字太朴金谿人至正初薦授翰林檢討五年

改國子助教學問淵奧兼長畢筆札順帝初薦入官歷嶺北

行省左丞為時名臣尋解官居房山順帝北奔淮上帖木兒

不花監國承制起翰林學士承旨入朝信宿國破將投報恩

寺井寺僧救止之入明拜翰林侍講學士時年六十八尋

兼弘文館學士既謫舍山踰年恚死

解縉曰予讀元史至于危素建言擇將帥任守令撫流民


務農保境卧薪嘗膽以圖中興而順帝稍用其說京南之

境幾無曠土其所辟舉皆能有功效驚曰是殆可以圖存

而何至于覆亡耶蓋未几而危素為嶺北右丞而所舉者

亦皆散亡而元遂亡矣悲夫士不遇時雖或小試而終以

沒無稱聞可不惜哉



薛應旂曰素之在元秉文衡握樞要不但以文藝名且崇尚考亭龜山豫章延平九峰西山之學請諸儒從祀孔廟其規為志氣固卓、不凡矣一失節焉覲顏于元亡之不賀泚頽于東閣之履聲竟死舍山甘心溝瀆仰視黃昇何霄壤也哉

何喬遠曰蔡邕被收請黥首刖足繼成漢史古人重史如此哉以身博史則畏史官者耶危素來歸首尾不三年竟卒謫所悲夫名亦不載于元史是以記之

二月己亥朔 上諭群臣曰昔范仲淹居位事今日不盡明日


必補之其心始安賢人君子精心如此朝廷豈有不治元季諸臣且苟溺職日狗肥甘于生民疾苦政事得失茫如也紀綱日弛民心土崩朕夜不安寢未明視朝嘗恐怠政卿等當體朕懷共修厥職

潮州盜據揭陽潮陽潮陽衛指揮僉事王友等擊走之

辛巳疏通泰州運河

令蘇湖漁人商人舟車無田者充糧輓

壬午 上諭群臣曰設官分定上不陵下不謫昔參政丁謂為寇相拂鬚準正色呵之前元憲官某寢疾椽史候之力疾



杖起因授吏杖吏拱立不受至再三憲官悟明日謝吏吏曰
某雖公屬非家僮不敢瀆禮彼憲吏皆正人也爾等鑒之
癸未臨濠府大火

丙戌安明南陳叔明遣阮汝霖貢馴象禮部受其表主事曾
魯視表非陳日燧乃叔明白于尚書詰之則叔明弒立假入
貢覘我上邵之

免河曲等縣食鹽米二千五百八十餘石
已丑併長淮衛于大河衛置贛州衛

辛卯立四川等處茶鹽都轉運司于成都鹽課司十五歲辦


鹽三萬七千八百四十二引有奇

置泰州茶馬司

何喬遠曰國家設四司一所以總茶課聯西戎控北三
邊永利乎蓋陝之漢中川之夔保尤重矣楊一清所至舉
職不獨茶馬一事胡彥所奏亦盡心焉夫此邊境之茶也
其上貢茶天下貢額四千有奇福建居二焉自嘉靖二十
五年御史胡彥言茶課

郭桓為山西按察使僉事

壬辰容美洞宣撫使田光寶入貢改為容美洞長官司



京師火燔龍江鷹揚二衛營伏

盜掠陽江縣尋平之

丙申羽林左衛總旗陳雲乞收永新等縣陳氏散卒三千二百七十人 上不許詔以陳氏張氏軍相告者罪之

宣寧進忠宣撫使田惟戴來朝尋卒子茂長嗣

丁酉高麗入貢

庚子雲州早免鹽糧

甲辰停晉邸工俟有秋營之

乙巳發河南兵二萬從馮勝北征命都督同知何文輝率山

東步騎二萬八千從李文忠出應昌

令四川民戶滿三丁僉一軍

羽林左衛軍張子英訴父弟及子皆充伍命免其父弟

戶部言四川產茶四百七十七所茶二百三十八萬六千九

百四十三株茶戶三百十五定制十採其一計萬九千二百

八十斤易馬西番從之

丁未大將軍徐達遣都督藍玉先出鴈門至野馬川值胡兵


追敗之亂山

河南行省叅政楊訓文卒訓文潼川人元淮海書院山長隱

國權

洪武

三



揚州 上徵拜起居注歷禮戶部尚書以學行忝知政事

日中黑

是月作申明亭令郡縣里社凡人有犯者書其過名榜之

三月戊申朔免都民徭役

己酉命將官子弟入國學錄肄業兼習騎射

辛亥重定官民相見禮

壬子戶部尚書徐友本為浙江行省叅政

癸丑夜有星自太微垣流至蕃外没

乙卯故元樞密同知別哥禿等來降

丙辰刑部尚書李文諒為福建行省叅政工部侍郎黃肅為

尚書

丁巳前普定府同知安瓚入貢

故元金筑安撫使密定程番安撫使程谷英等入貢

俱改為長官司

庚申禮部主事魏觀為蘇州知府

夜月食

癸亥張遇林為應天府尹


丁卯都督藍玉敗擴廓帖木兒于土賴河擴廓帖木兒遁去

戊辰夜仙遊縣大雨溺人

國權

洪武

三十三



庚午澧州洞蠻作亂尋平之

壬申囉囉斯宣慰使安定來朝

癸酉置靖州武岡守禦千戶所欽州百戶所膠州守禦千戶

所

都督僉事單發有罪降南寧衛指揮僉事

南平縣大雨水

是月高麗國王王顥上表賀平夏且請子弟入太學許之

四月己卯濟南登萊旱饑命淮安轉粟賑之

丁亥中書省左司郎中呂本為刑部侍郎

夜有大星自天市垣有小星三隨之流至游氣中沒

戊子廣東逋卒王福可等聚盜掠海豐詔廣東衛兵討平之

宣化盜掠南寧亦討平之俘二千八百餘人斬百餘級

庚寅故元叅政阿夫寧自西番來降上灌頂國王印

丁酉烏思藏僧章陽沙加仍灌頂國師賜印幣俾居報恩寺

化導其俗

戊戌詔天下舉行飲鄉酒禮


潯州天鳴廣州梧州地震黎城縣大風雹

己亥更定品官命婦冠服

國權

洪服

三首



庚子故元趙王汪古圖左丞錢友德來降

征南將軍衛國公鄧愈兵至澧州遣棗陽侯楊璟等討敵毛柿溪赤溪安福等三十九洞平之

盤順元帥墨什稍用入貢置盤順長官司

酉陽沿邊溪洞軍民宣慰司都元帥府元帥冉汝彪入貢改酉陽州汝彪為知州

五月庚戌置諸司齋戒牌祭則設之文曰國有常憲神則鑒焉

壬子大將軍徐達至嶺北擴廓帖木兒賀宗哲合軍拒敵我兵大敗之

癸丑夜中都萬歲山雨雹

乙卯即墨膠水縣各大雨雹

中書右丞王溥言頃者採木建昌之蛇舌巖見黃衣人歌聲

如鐘忽不見 上以妖罔不之信

蛇盤虎踞勢岩堯赤帝重興勝六朝八百年終王氣


復重華從此度唐堯

戊午祭方邱還宮憂旱命宮中后妃以下俱蔬食遂雨

丁卯倭寇海鹽縣之澉浦

戊辰命募商于永平衛納米中鹽


故元沿海行樞密院同知葉廷秀等來降



是月詔曰朕本草芥之士夫習聖賢書推強撫順無常寧處
一槩粗疎民不見化鄉市里閭尚染元俗天下大定禮義風
俗可不正乎曩時兵亂民散因為人家奴者詔書到日即放
為良民有家貧殘疾并老幼少壯不得已乞覓者本里里長
及同里人戶助給之工商農業皆聽其便俟有餘贍然後償
還有司時察焉不資給者驗存其家糧糗可以足用餘沒官
賑濟里有出物周給者有司具奏孤獨廢疾養贍之孤老院
聽出乞覓圖剩餘筮楚者以鬥毆論誣告者抵罪民間歲時
宴會拜揖坐次皆序齒治父母喪富無僭奢貧無妄費若信

惑風水暴停棺柩婚姻論財夷之道蒙古色目人既居我
土許與中國人往來嫁娶人民避兵散之四方今復故里有
丁少田多不許依然占護若去時丁少歸則丁多許于附近
驗官耕種僧道本以誘俗若脩齋誦經男女酒雜飲酒食肉
有司嚴治之福建廣東廣西等處有豪戶閹割人驅使者以
閹割抵罪沒官為奴於乎以朕德薄恩澤未孚倉庫未盈六
軍四成尚慮未悅下民之心恐貽天怒夙夜淵冰咨爾臣民
期臻禮義之風永底昇平之治

征南副將軍江夏侯吳良兵次零溪進克銅鼓五開潭溪再



戰蹄騰浪掩都莫越深洞既而搗地青滅龍里通洪州所向
輒克獨秦洞崖山苗最桀點扼銅關鉄塞之險久不下良以
計破之殲其衆


六月丙子朔置兵馬指揮司分司于中都

定宦官禁令

丁丑定中宮女職之制設六局十司尚宮尚儀尚服尚食尚
寢尚功局各四司七十五人女史十八人俱良家子充之官
高唐濮州聊城棠邑朝城等縣民飢命吏部尚書趙鼎堅發
粟一千九百石按賑之

戊寅征西將軍馮勝左右副將軍陳德傳友德兵次蘭州友
德先將五千騎趨西涼敗元將失刺罕至永昌敗太尉朶兒
只巴至甘肅故元將上都驢降大獲其輜重進掃林山會勝
等共擊胡兵友德手射平章不花死追斬四百餘級降太尉
鎖納兒加平章管著等于是元將上都驢以吏民八百三十
餘降進至亦集乃路守將卜顏帖木兒以城降次別力駕山
元岐王朶兒只班遁去追獲其平章長仰奴等又敗之瓜沙
州獲馬驢牛羊二萬餘而還

辛巳五色雲見



甲申免登萊今年夏稅及逋租徭役又發粟六萬六千餘石

賑萊州東昌二府

乙酉太白星晝見丁亥滅

丙戌置遼州東金復海蓋四州

倭寇寧德遣兵剿平之

丁亥濟南蝗大庾上猶南康大疫

戊子安化合水環縣民飢賑之

己丑羽林衛指揮使毛驥於顯指揮同知袁義等率兵捕蘇

松温台等府瀕海流倭

辛亥勅遼東都督僉事仇成嚴備納哈出

癸巳定六部職掌各司郎中員外郎主事分任尚書侍郎總

其政要

置山東沂州衛

甲午戶部尚書海淵為福建行省叅政

丙申定公主宅制

去年河間府饑免其徭


定官民婚喪之禮

戊戌改潭州府曰長沙靖江府曰桂林

國權

洪武

三頁



已亥夜有大星自天市西垣行至游氣中流

庚子浙東温州衛千戶陳旺以海追擊海寇朱機伏誅

山東青州萊州蝗

壬寅征南將軍江陰侯吳良率兵討平靖州會同縣蠻

祭卯旬容縣民獻嘉瓜二枚賜錢一千二百禮部尚書陶凱

賀稱聖德 上曰朕何德之有時和歲豐王者之禎也


元人犯山西大同之宣寧縣

指揮使毛驥敗倭寇于温州下湖山追獲舟十二艘擒百五十餘人

安曲縣地震

甲辰鎬戒后妃之辭于宮中


左副將軍李文忠率都督何文輝等出居庸搃應昌進口溫河元兵遁獲牛馬輜重至哈喇莽來敵驚潰至臚朐河留其輜重欲輕騎襲之各持二十日糧兼行至土刺河元將蠻子哈喇章悉騎渡河陣而待戰數合稍却進至阿魯溫河敵益衆搏戰馬中流矢持短兵步戰裨將劉義直前敵之指揮李榮授以所乘馬自奪胡騎乘之文忠策馬橫槊麾衆更進士皆殊死鬥大敗之獲人馬萬計追至騁海敵又至文忠勒兵



七月辛亥陽曲地震

守險椎牛享士大縱所獲馬畜示敵暇三日敵疑有伏不敢
近而遁文忠引還夜失道糧盡士多渴死至哥兒麻思文忠
默禱馬倍地泉溢乃濟獲故元官屬子孫及軍士家屬千八
百四十餘人是役也宣寧侯安豐曹良臣驍騎左衛指揮使
合肥周顯振武衛指揮同知定遠常榮神策衛指揮使壽州
張耀俱戰沒追封良臣為安國公謚忠壯其餘各予祭葬
乙巳命戶部遣使度四川田

作鉄榜申戒功臣毋縱奴僕倚勢作非稱保全功臣之意



國權

甲寅洪武七年

正月戊辰召四川按察僉事茹太素鄭思先

柳州蠻叛廣西指揮使周誼討平之

庚午命六部官毋輕調

增中立府戍兵七千五百餘人

賑鎮江水災戶各五千錢


甲戌命都督僉事王簡往彰德王誠往濟寧平章李伯昇往

國權

洪武七年

鹽官設遷孺木著

國家圖書館, NATIONAL CENTRAL LIBRARY, TAIWAN, R.O.C.



真定各練兵屯田

靖海侯吳禎為總兵官都督僉事於顯為副總兵領舟師赴

巡海

乙亥宣化府太平諸洞土官可主什用入貢

命水軍右衛指揮同知吳邁廣洋衛指揮僉事陳權航海餉

定遠諸衛

定藩邸自承運殿入圓殿又存心殿城門曰端禮廣智體仁

遵義 上曰諸王能顧名思義其長有國乎

庚辰夜有大星色赤自天梧流至游氣中没

辛巳月暈太微垣

壬午四川繁峙主簿虞文采上言行省及按察司官吏多不

法接有驗 上嘉之擢大同知府

暴風

癸未或詠曲阜知縣孔希大當逮問以聖裔置之

癸巳方谷珍長子禮為廣洋指揮僉事

甲午夜有大星自紫微西番流至陰德没


二月丁酉朔日食

已亥田州土官總管黃志威為奉議州知州兼管守禦事

國權

洪武七年

二



癸卯青州衛指揮僉事張岱擊谷峽刺等叛蠻走之

乙巳夜有赤星自軒轅流至北河沒久之又二星自紫微東

蕃流至近濁沒

增應天府知事照磨

丁未詔皇太子及諸王祭旗壽之神

己酉故元甘肅行省平章江文殊奴左丞朵兒只星吉等自

河州來歸

辛亥太陰犯角

儋州黎人符均勝等叛海南衛兵討平之

甲寅自庚戌至是日中黑

昌邑縣潮溢壞廬舍

丁巳上問東閣語京城西北龍灣獅子山扼險據勢作閣

江樓其上先試群臣記記上而上欲罷工于是自為文曰

朕聞昔聖君之作必詢賢而後興朕畏日食自謀心欲役囚

徒建閣江樓于獅子山之上朝無諫者上天垂象責朕不忍

朕心惶懼即日念罷聊試諸臣為記獻者比終無異超朕

特假臣言而自尊不覺述之曰臣某拜首稽首曰臣聞君天

下作宮以居高城深隍以防皆設險之當為非有益而不興

